

## **Hortulus Biblico-Moralis Et Asceticus**

**Pappus von Tratzberg, Franz**

**Ulm, 1725**

Doctrina 4. Desumpta ex cap. 8. lib. Exodi, in quo describitur PLaga  
ranarum, muscarum, & irriti conatus Magorum &c.

---

[urn:nbn:de:hbz:466:1-61252](#)

Citetur, quare solius lingua cestibüs desideras subveniri? quid fitis extremi digiti guttam, quam si vel solam dedisses pauperi, non fitires? anno supra millesimum octogesimō quartō Henricus III. Imperator Romæ commorans, in Aventinum montem se recepit, Deoque Sacrisque vacare cupiens impensiūs, B. V. Mariæ ædes saepius frequentaverat: cùm ecce! nescio quō malō instigatus geniō, homuncio quidam infima de plebe ei mortem moliri, ingensque saxum in transeuntis caput provolvere cogitabat; sed illicò pœnam talionis sensurus, necem quam Imperatori paraverat, ipse subit: movens enim saxum, cuius oneri regendo par non erat, præceps cum ipsa mole devolvitur, & perit, illud Siracidis dictum suō testatus exemplō verissimum esse: *Qui volvit lapidem, revertetur ad eum.* Proverb. 26. Ita Deus æquissimum agit Judicem non Tyrannum, dum isthoc pœnarum genere utitur ad vindicanda scelera: quid enim justius: quām illis ipsis confodi jaculis, quibüs proximum inimica manus confederat? quid justius, quām cōconfundi ferrō, quod quis in alterius caput strinxerat? quid justius: quām illum spoliari divitiis, qui rapuit alienas? Justissimam hanc velut exactissimam jam pridem decantavit Vates regius Psal. 7. Convertetur dolor ejus in caput ejus, & in verticem ipsius iniquitas ejus descendet. Vide ergè Christiane Lector: ne illud ipsum malum, quod stimulante irâ vel invidiâ proximo inferre paras, in tuum redundet caput, & non sit instar illius gladii, de quo citatus asserit Propheta: *Gladius eorum intret in corda ipsorum.* Psal. 36.

## Doctrina 4.

*Desumpta ex cap. 8. lib. Exodi, in quo describitur Plaga ranarum, muscarum, & irriti conatus Magorum &c.*

Considera: PLurimos peccatores imitari Pharaonem, qui avidè quidem cupiunt à Rana malæ conscientiæ liberari, sed hoc grande negotium procrastinant, dum pœnitentiam differunt de die in diem, de Festo in Festum. Per servidas Moysis preces liberandus à Ranis Pharao, non jam præsentem, quō actu cruciabatur, diem, sed futurum petiunt: quis hanc non damnet amentiam? posse illâ adhuc horâ, quā tormentum hoc gravissimum patiebatur, liberari, & velle exspectare crastinum? Quid in crastinum differt, contra peccatorem Pharaonis N.87.

raonis æmulum invehitur S. Ambros. Epist. 82. Potes & hodiè lucrari diem. Cavendum est, ne & illum non teneas, & crastinum amittas. Ingens detrimentum est, unam perdidisse horam, quando ille potest esse totius vitæ pretium. Non querit Deus dilationem in voce corvina, sed confessionem in gemitu columbae, quæ vix emissâ statim rediit ad arcam. Qui veniam pœnitenti promisit, ait S. Greg. M. Homil. 12. in Matth. 23. c. Peccanti diem crastinum non promisit. Eodem adhuc die, quò peccaverant protoparentes nostri, priusquam Sol occubuisse, ingressus est Dominus Paradisum, ut eos patrati sceleris arguens, ad celerem pœnitentiam, illâ etiamnum die inchoandam, instigaret: noverat enim, quantum periculi habeat pœnitentia post lapsum dilata. *Filia mea modò defuncta est,* clamat pro obtainenda ejus vita sollicitus parens Matth. 9. Non exspectans alterum diem, quantociùs illam restitui rogat. Fax citò flammarum resumit, si illi extinctæ quidem, sed calidum adhuc fumum spiranti ignem admoveas. Echinus, quò citius parit, eò minus patitur ab aculeis: at si partum distulerit, non sine vitæ periculo parit. Otto Imperator hujus nominis III. teste Baroniô ad annum 1001. Crescentiô Rom. consule contra datam fidem occisô, S. Romualdo spopondit: Monachum se induturum abdicatô Regnô. De promissis his Christianæ pœnitentiæ signis, à Sancto admonitus, ut ea in opus redigeret, reposuit: unicam superesse Romanæ Urbis expugnationem, quâ functus obsequeretur. Ivit: & hem! pœnitentiæ promissæ locô Crescentii viduam sibi copulat, pellice potius, quam vera uxore abusus. Hzc verò ut Imperatorem à se recedere advertit; chirothecas venenô illitas in signum amoris obtulit, & medianibûs his ei necem intulit. Proh dolor! quot peccatores habet Otto iste socios, qui parî perfidiâ pœnitentiam spondent. Hi auditâ conacione, lectâ terribili historiâ, ortâ gravi tempestate, conscientiâ allatante promittunt; proximâ se occasione peccata confessario cum dolore deposituros, hoc vel illud negotium prægnans restare adhuc, interim peragendum, quò peractô futurum nihil, quod eos remoretur. ô perfidi mortales! negotium finitum est, celebratum est festum, confitendi opportuna occasio adfuit; vos verò peccata adhuc in pectori circumfertis. Sigismundus II. Rex Poloniæ ob perpetuam cunctationem in maximis negotiis Rex crastinus vocabatur: idem epitheton vobis congruit inertissimi mortales, quibus tamen tam salutribûs monitis quotidie fores pulsat Apostolus inquiens. *Nunc tempus accepit.*

acceptabile &c. & S. Greg. Homil. 12. in Evangel. Hunc diem de quo loqui-  
mur ad inducias conversionis accipimus, ne tunc queramus ad bene agendum vivere,  
cum jam compellimus de corpore exire. Quid: si hodiè amicus morti vicinus  
vos accerseret, scripturus vos ex asse hæredes: nunquid juberetis, in cra-  
stинum, aut ultra differri hoc negotium; dum interim grave subefset  
periculum mortis? nunquid ad pingue Beneficium, aut divites nuptias,  
ad officium honorificum vocati reponeretis: jam futuras aliò tempore  
occasions, talia obtinendi? nunquid audientes, visitaturum vos ma-  
gnum Principem hodie, aut domus vestras desereretis, aut alium com-  
modiorem diem pro hac visitatione ei præscriberetis? hæc omnia &  
singula, quin imò alia plura longè minoris æstimationis negotia craſtinum  
non patiuntur, & craſtinum patiatur illud negotium, ex quo pen-  
det æterna animæ salus? sed demus: Vos certos esse de craſtino, imò de  
aliquot adhuc annis supervivendis, nunquid etiam certi eritis, de rite  
peragenda pœnitentia? qui semel incidit in Judæos creditores, proximus  
est stipi: quia quô diutiùs non solverit, eò solvet difficultius; siquidem  
usuras usurarum quoque solvere, & tandem bonis suis cedere cogetur.  
Ita quô quis diutiùs peccatis immersus hæret, debitum accumulat  
debito, eò indignorem se reddens Dei veniā. Dæmon velut araneā ca-  
ptam muscam multoties gyrandō filis suis implicat, & augetur malus  
peccandi habitus instar clavi, qui quô plures ictus acceperit, eò profun-  
dius infigitur parieti. Absit ergo ô Christiane Lector! ut craſtinum pœ-  
nitentiæ tuae præfigas diem, continget enim haud dubiè procrastinanti-  
bus, quod contigit Pharaoni, qui poena ranarum ad pœnitentiam nondum  
permotus, muscā gravissimā obrutus est, qua totam Regionem ejus  
consumpsit, musca hæc erit inexpectatō casu adveniens mors.

## FASCICULUS XV.

### Doctrinarum Moralium & Asceticarum.

#### Doctrina I.

Desumpta ex cap. 9. lib. Exodi, in quo describitur Plaga ulcerum, & grandinis.

Considera: **A** lteram pœnam Talionis Pharaoni immisam: is siqui- N. 88.  
dem, qui jusserrat filios Israël sudare in coquendis  
**P** late-